

碑 文

湖南長沙府湘陰縣正堂加三級孔為籤飭碑禁苦役均沾事乾隆元年九月十二日案奉特授湖南長沙府正堂加七級紀錄九次錢憲牌內開乾隆元年八月十九日據屯軍張鑾程思隆王琴榮等呈稱蟻等長衛軍丁額供都院藩臬道四轅軌事及隨道往岳下淮兌糧搬運等項每戶三五名不一伺候萬難脫卸苦人骨髓至若脩理塘汎道路橋梁扞報牌甲煙夫等項一切民戶經理原與軍家無涉康熙五十五年突遭民戶顆縣差胥據蟻軍戶供當氏差迫稟道轅奉示嚴禁無如法久弊生騷擾如故於上年三月內有長衛軍丁傅邦定等以苦役重徭籲飭碑禁事呈稟院轅奉批藩憲查報詳奉勸碑取具碑摹報查轉飭通行在案又於九月內有益陽縣劉元淑等以苦役均沾等蟻等湘陰俱屬長衛軍丁赤子是以籲懇欽憲大老爺楚天日月一視同仁賞准勅房行縣勒石永禁庶苦役得免重徭子孫萬代頂祝等情到府除批行縣查禁外據此合行查禁為此碑仰縣官速查照來議事理迅即詳府以憑勒石永禁毋得故違致干頻催未便速速等因到縣奉此遵查湘邑屯軍例係軍有軍役民有民差軍民毋得混派庶免重當之弊等因具詳府縣奉批仰即查明禁革毋使借名冒免取具碑摹送驗繳等因奉此為此示仰合邑諸民人等知悉嗣後軍有軍役民有民差一切脩理塘汎道路橋樑扞報牌中煙夫供奉茶引酒鈔舟楫更夫百

工匠琢等項俱係民戶承辦毋得混派軍丁如有不法棍徒仍蹈前轍
許卽指名稟縣以憑詳究決不姑寬毋貽後悔慎之慎之須至碑者

計開軍戶姓名 注載于後

歐 鑾	郝 珍	陸 英	李中升	龍陶二
陳萬甫	劉江尚	程思隆	張 鑾	尚 受
汪 淮	楚琳珣	梁全才	譚天羣	楊問邦
陳得元	霍三郎	王天道	洪君伯	侯鐵保
劉宗武	吳元三	蕭中昂	陳廷爵	李法保
盧 中	王 洗	陳受保	陳堯發	劉俊西
瞿擇相	王琴榮	吳 學		

此碑前輩原為杜訟故乾隆二年建立乾隆十四年重建迨
後人心不齊以至碑石毀滅茲因民籍與屯籍迭年訐訟奉劉憲 郎
松岑訊斷屯民各別嗣後不准扳累并蒙出示曉諭爰集同人復泐此
碑覽立頭門以誌憲恩於不朽云爾

清道光三十年季冬月同屯首事

李岐山 王瓊林 吳秀聲 王蘭堂

重建